

Hižo zaso zastupowansku hodžinu?

W kóždym šulskim léće wočakuje nas wjele zastupowanskich hodžinow, na kotrež dyrbymy so runje tak přihotować, dokelž chcemy tež w tutych hodžinach něšto docpěć. Hdyž podawamy we wotpowědnej rjadowni fachowu wučbu, móžemy z tutej maćiznu pokročować. Druhdy pak to móžno njeje, a tuž dyrbymy za alternatiwu pytać. Jednu namakach w času swojeje přihotowan-

skeje služby při rešerši w interneće, jako pytach na kóncu šulskeho léta za hodžinu, z kotrejž bych pola šulerjow wjeselo zbudzić móhl a runočasnje maćiznu zašeho léta wospjetował/skrućił. W konkretnym padže jedna so wo hru za dwójnu hodžinu, kotraž služeše k wospjetowanju maćizny 7. lětnika. Hra hodži so tež za zastupowanske hodžiny wužiwać a čini šulerjam wjele wjesela.

Wotběh

1. Wučer/ka rozdžěli rjadownju do skupinow z maksimalnje 5 wosobami a rozjasni hru.
2. Šulerjo dojednaja so w skupinach na skupinskeho řečnika.
3. Potom so wulosuje, kotra skupina smě započinać.
4. Hra so započina.

Prawidła

1. Skupiny šulerjow wotmołwja ertnje na prašenja ze wšelakich fachowych wobłukow.
2. Jenož skupinski řečnik smě płaćacu wotmołwu podać.
3. Kóžda skupina dóstanje 100 startowych dypkow.
4. Skupiny wotmołwja wotměnjejo so na samowolene prašenje.
5. Prašenja staja wučer/ka.
6. Wučer/ka rozsudži, hač je so na prašenje korektnje wotmołwiło a zapisuje dypki na taflí.
7. Hra je zakónčena, hdyž je so na wšítke prašenja wotmołwiło, abo krótko do kónca hodžiny.
8. Skupina z najwjace dypkami je dobyła.

Prašenja

1. Fachowe polo, maćiznowu jednotku a druhe smě wučer/ka sam/a wolic a k tomu pječ prašenjow z wotpowědnej ličbu dypkow přirjadować.
2. Skupina wuzwoli sej rubriku a prašenje za 20, 40, 60, 80 abo 100 dypkow.
 - a. prawa wotmołwa: Dypki so aděruja.
 - b. wopačna wotmołwa: Dypki so wotćahnu.
3. W kóždej rubrice chowa so rizikoprašenje.
4. Woli sej skupina rizikoprašenje, smě wěstu ličbu svojich dypkow sadzić.
 - a. prawa wotmołwa: Sadžene dypki so aděruja.
 - b. wopačna wotmołwa: Sadžene dypki so wotćahnu.
5. Hižo stajene prašenja so na foliji šmórnu.

Folija za hru

„Naš wuj z Ameriki“	Sada a jeje interpunkcija	Wulki spo- čatny pismik	Spočatki serbskeho pismowstwa	Sport	To a tamne
20	20	20	20	20	20
40	40	40	40	40	40
60	60	60	60	60	60
80	80	80	80	80	80
100	100	100	100	100	100

„NAŠ WUJ Z AMERIKI“

20 Riziko

Hdže džěła nan hólca-powědarja?

Wotmołwa: na džěłowym zarjedže

40 Kak rěkaše Wagnerec susod?

Wotmołwa: Krautkrämer

60 Štó je knjez Oppelt?

Wotmołwa: Kilankec susod

80 Kak rěka mějićelka pensije „Am Park“?

Wotmołwa: Amalfina von Bärenstein

100 Na kotrym instrumenće hraje Sofija?

Wotmołwa: na saksofonje

SADA A JEJE INTERPUNKCIJA

20 Mjenuj 3 interpunkciske znamješka!

Wotmołwa: dypk, prašak, wuwolak, pazorki

40 Dodatne wujasnjenje je wosebita forma apozicije! Wopak abo prawje?

Wotmołwa: prawje

60 Mjenuj 4 wjazawki!

Wotmołwa: a, ale, abo, chiba zo, ani-ani, pak-pak, pak, mjeztym zo, tola

80 Kak rěka wučba wo sadach we wědomostnej rěči?

Profylaksa, semantika abo syntaksa?

Wotmołwa: syntaksa

100 Riziko

Je konjunkcija *tolu* wjazawka abo zawodowace słowo?

Wotmołwa: wjazawka

WULKI SPOČATNY PISMIK

20 Mjenuj jedne prawidło za wulko- abo małopisanje spočatnych pismikow!

Wotmołwa na př.: Započatk sady pisamy přeco z wulkim spočatnym pismikom.

40 Hdže steja w nowym Völklowym słowniku, kotryž bu wot Tima Meškanka wobdžěłany, prawidła za pisanje wulkeho spočatneho pismika?

Wotmołwa: te tam scyła njesteja (jenož w starym Völklowym słowniku)

60 Riziko

Kotre słowo so z wulkim spočatnym pismikom njepisa?

Delany, delan

Delnja Łužica

Wotmołwa: delan, hdyž njeje z nim měnjene swójbne mjeno

80 Słowo *čitać* je werb a pisa so přeco z małym spočatnym pismikom. Trjechi to?

Wotmołwa: ně, na spočatku sady dyrbi so tute słowo wulke pisać

100 Kelko słowow je w scěhowacej sadze z wulkim pismikom pisanych?

„We Wysokich Tatrach je pućowanje za delanow a horjanow dowolene, ale jenož z přewodom Serbskich Nowin.“

Wotmołwa: 5

SPOČATKI SERBSKEHO PISMOWSTWA

- 20 W kotrym léče zahaji Jurij Mjeń ze svojim chwalospěwom na serbsku rěč „Serbskeje rěče zamóženje a chwalba w rěčerskim kěrlišu” serbske swětne wumělske basnistwo?
Wotmołwa: 1767
- 40 **Riziko**
1574 čišćeše so přenja kniha w serbskej rěči. Kak wona rěkaše?
Albina Mollerowe spěwarske z Lutherowym „Małym katechizmom“
Albina Mollerowe spěwarske z Lutherowym „Wulkim katechizmom“
Albina Mollerowe spěwarske z Lutherowym „Katechizmom“
Wotmołwa: Albina Mollerowe spěwarske z Lutherowym „Małym katechizmom“
- 60 W času čahanja ludow wobsydlichu słowjanske kmjeny kraj mjez Baltiskim morjom a srjedźnymi horinami, mjez rěkami Łobjom a Solawu na zapadže a Wódru-Bobrom-Kwisu na wuchodže. W kotrym lětstotku to bě?
Wotmołwa: w 6. lětstotku
- 80 Kak pomjenuja so 631 Serbja přeni króć pisomnje w chronice Fredegara, ze „Sorbi, „Serbi“ abo „Surbi“?
Wotmołwa: Surbi
- 100 Hdy poswjeći so w Budyšinje stary Serbski dom, kotryž bu přewažnje z darow serbskeho ludu natwarjeni?
1904, 1914, 1924
Wotmołwa: 1904

SPORT (*tutón wobłuk prošu stajnje aktualizować*)

- 20 W kotrej sportowej družinje woznamjeni so sportowc jako „worjoł“?
Wotmołwa: w sněhakowarskim skakanju
- 40 Što je eskimopřekul?
Wotmołwa: překul při jězdženju z kajakom
- 60 **Riziko**
Kak rěka tuchwilny swětowy mišter Formule 1?
Wotmołwa: Fernando Alonso
- 80 Z kotrym motorskim jězdzi Zejičan Měrcin Špitank motocross?
Honda, Kawasaki, KTM abo Suzuki?
Wotmołwa: Honda
- 100 Kopar Stefan Effenberg je swoje zrěčenje pola VFL Wolfsburg wupowědźił.
Přičina: Wón wotpokaza 2 kilogramaj wotewzać. Kelko wón wažeše?
75 - 80 - 90 - 95 abo 98,5 kilo?
Wotmołwa: 90 kilo

TO A TAMNE

- 20 Štó abo što je „Campino“?
Wotmołwa: spěwar „Mortwych cholowow“ (Die Toten Hosen)
- 40 Štó sedži a tola njese?
Wotmołwa: kokoš
- 60 Je słowo *syčomwóćawa* prawje pisane?
Wotmołwa: ně – syčomlóćawa
- 80 **Riziko**
Kak rěka stare serbske słowo za měsac awgust?
Wotmołwa: žnjenc
- 100 Štó abo što je mužica?
lžica za muku; žona, kotraž wupada kaž muž; zmužita žona; mulerska lžica
Wotmołwa: žona, kotraž wupada kaž muž (němsce: Mannweib)